



ჯანმრთელობის დაცვის და სოციალურ საკითხთა
კომისიის სხდომის ოქთი N^o22

12 თებერვალი, 2019 წელი

14:00 საათი

(ჯანდაცვის კომისიის ოთახი)

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. გიორგი ბირბიჩაძე;
2. გიორგი დოხტურიშვილი;
3. ნინო ლაცაბიძე;
4. თამარ ტალიაშვილი
5. ვლადიმერ მნელაძე;
6. ლილე ლიპარტელიანი;
7. ოთარ გრიგოლია;

მოწვეული სტუმრები: ჯანდაცვის და სოციალური მომსახურების საქალაქო სამსახურის წარმომადგენლები ნინო ლომსაძე და ნუცა ცქიტიშვილი.

სხდომის დღის წესრიგი:

- „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 28 დეკემბრის №35-118 დადგენილებაში ცვლილების შეტანის შესახებ;
- „ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციისა და თავშესაფრით/საცხოვრისით უზრუნველყოფის წესის დამტკიცების შესახებ“;

სხდომას თავმჯდომარეობდა ჯანმრთელობის დაცვისა და სოციალურ საკითხთა კომისიის თავმჯდომარე გიორგი ბირბიჩაძე.

გიორგი ბირბიჩაძე მიესალმა დამსწრე საზოგადოებას და სხდომა გახსნილად გამოაცხადა. კომისიის წევრებს და მოწვეულ სტუმრებს წარმოუდგინა ქვორუმი და გააცნო დღის წესრიგი. კომისიის წევრებმა ერთხმად დაამტკიცეს დღის წესრიგი წარმოდგენილი სახით.

წარმოდგენილი პროექტით (N12-031903979-03; 08.02.2019) ახალი რედაქციით ყალიბდება „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 28 დეკემბრის №35-118 დადგენილების პირველი მუხლის „გ“ ქვეპუნქტით დამტკიცებული „აუტიზმის სპექტრის დარღვევის მქონე ბავშვთა რეაბილიტაციის ქვეპროგრამის განხორციელების წესის“ (დანართი №3) მე-4 მუხლი. კერძოდ, აღნიშნული მუხლის მე-2 პუნქტის თანახმად, ქვეპროგრამის ფარგლებში თვეში დასაფინანსებელ ბენეფიციართა რაოდენობა განისაზღვრებოდა არაუმეტეს 850 (რვაას ორმოცდაათი) ბენეფიციარით, ხოლო წარმოდგენილი პროექტით ბენეფიციართა რაოდენობა იზრდება 1000 (ათასი) ბენეფიციარამდე. აღნიშნული ქვეპროგრამების დაფინანსება გათვალისწინებულია ქალაქ თბილისის მუნიციპალიტეტის 2019 წლის ბიუჯეტით.

წარმოდეგნილი პროექტით (N12-0319035182-03; 04.02.2019) მტკიცდება „ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციისა და თავშესაფრით/საცხოვრისით უზრუნველყოფის წესი“. ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციისა და თავშესაფრით/საცხოვრისით უზრუნველყოფის წესით დარეგულირებული საკითხების უკეთ აღქმის მიზნით, წესს ემატება მე-2 მუხლი, სადაც განმარტებულია წესში გამოყენებული ტერმინები.

აღნიშნული პროექტით წესი ყალიბდება განსხვავებული სტრუქტურით, კერძოდ ცალ-ცალკე მუხლებში წესრიგდება ერთი მხრივ, უსახლვარო პირად რეგისტრაციისა და თავშესაფრით უზრუნველყოფის პროცედურა, ასევე შესაბამისი კრიტერიუმები და მეორე მხრივ, უსახლვარო ოჯახად რეგისტრაციისა და საცხოვრისით უზრუნველყოფის პროცედურა, ასევე შესაბამისი კრიტერიუმები .

წესის მე-3 მუხლში მოცემულია უსახლვარო პირად რეგისტრაციისა და თავშესაფრით უზრუნველყოფის კრიტერიუმები, კერძოდ, პირველი პუნქტის „ა“ ქვეპუნქტის თანახმად, უსახლვარო სტატუსის მაძიებელი პირის უსახლვაროდ რეგისტრაციისათვის სავალდებულოა, რომ კომისიის მიერ მის შესახებ ინფორმაციის მომიებამდე ბოლო 2 (ორი)

წლის განმავლობაში პირი იყოს საქართველოს მოქალაქე, უწყვეტად და ამავდროულად, უსახლვარო პირის სტატუსის მინიჭების მომენტისათვის რეგისტრირებული ქალაქ თბილისის მუნიციპალიტეტის ტერიტორიაზე, ასევე „ბ“ ქვეპუნქტის თანახმად, პირის უსახლვაროდ რეგისტრაციისათვის აუცილებელია, რომ ის იყოს სრულწლოვანი.

წესის მე-4 მუხლით განისაზღვრება უსახლვარო პირად რეგისტრაციისა და თავშესაფრით უზრუნველყოფის პროცედურა, ასევე მოცემულია იმ დოკუმენტაციის ჩამონათვალი, რომელთა წარმოდგენაც აუცილებელია უსახლვაროდ რეგისტრაციისათვის.

პირის უსახლვაროდ რეგისტრაცია ასევე უკავშირდება საქართველოს შინაგან საქმეთა სამინისტროსგან მიღებულ ინფორმაციას, რომლის თანახმადაც, პირს არ გააჩნია საკუთრებაში ავტომობილი, ხოლო ავტომობილზე საკუთრების არსებობის შემთხვევაში, კომისიის მხრიდან გადაწყვეტილება მიიღება ავტომობილის მარკის, გამოშვების წლისა და მოდელის გათვალისწინებით.

უსახლვაროდ რეგისტრაციისათვის აუცილებლად დასაკმაყოფილებელ კრიტერიუმს დაემატა პირის/ოჯახის თითოეული უმუშევარი წევრის რეგისტრაცია სამუშაოს მაძიებლად შრომის ბაზრის მართვის საინფორმაციო პორტალზე - www.worknet.gov.ge, ხოლო პირის/ოჯახის უმუშევარი წევრის მიერ ამ პორტალის გაუქმება წარმოადგენს უსახლვაროდ რეგისტრაციის გაუქმების საფუძველს.

უსახლვარო პირად/ოჯახად რეგისტრაციის კრიტერიუმებში დაკონკრეტდა პირის/ოჯახის წევრების საცხოვრებელ სადგომზე უფლების არ ქონის კრიტერიუმები, კერძოდ უსახლვაროდ რეგისტრაციისათვის არ უნდა ფიქსირდებოდეს პირის/ოჯახის არცერთი წევრის მიმართ არამხოლოდ მართლზომიერი მფლობელობის, არამედ უსასყიდლოდ სარგებლობის ფაქტიც, ასევე უსახლვაროდ რეგისტრაციისათვის აუცილებელია, რომ კომისიის მიერ მოპოვებული ინფორმაციით არ დასტურდებოდეს პირის/ოჯახის მხრიდან დამოუკიდებლად ბინის ქირის გადახდის ფაქტი.

კონკრეტდება პირის/ოჯახის წევრების შემოსავლების დაანგარიშების სისტემა და დგინდება ის საანგარიშო პერიოდი, რომლის განმავლობაშიც მიღებული შემოსავალი მიიღება საკითხის გადაწყვეტისას მხედველობაში, ასეთ პერიოდად განისაზღვრა საკითხის კომისიის სხდომაზე გატანამდე 6 თვე. ასევე, უსახლვარო სტატუსის მაძიებელი ოჯახის წევრების შემოსავლების დაანგარიშების საკითხში, აქამდე მოქმედ რედაქციაში არსებული მითითება ქალაქ თბილისის მუნიციპალიტეტის საკრებულოს 2018 წლის 16 იანვრის N10-23 დადგენილებაზე, ჩანაცვლდა ამავე დადგენილების ზოგადი დებულების შინაარსით.

საქართველოს შინაგან საქმეთა სამინისტროსგან მოწოდებული ინფორმაციით უსახლვარო სტატუსის მაძიებელი პირის/ოჯახის წევრთა მიერ, უსახლვაროდ

რეგისტრაციისათვის დასაშვები სახელმწიფო საზღვრის კვეთა შემცირდა საზღვრის 2-ჯერ გადაკვეთამდე და დაზუსტდა, რომ მხედველობაში მიიღება მხოლოდ სახელმწიფო ტერიტორიის დატოვების ფაქტები, ასევე დაწესდა გამონაკლისი და განისაზღვრა, რომ საზღვრის 2-ზე მეტჯერ გადაკვეთა არ მიიღება მხედველობაში თუ, ეს განპირობებული იყო უსახლკარო სტატუსის მაძიებელი პირის/ოჯახის წევრის ჯანმრთელობასთან დაკავშირებული შემთხვევებით ან მესამე პირის მიერ დაფინანსებულ სასწავლო პროგრამებსა და კურსებში ჩართვის და სხვა სასწავლო-შემოქმედებითი მიზნით სახელმწიფო საზღვრის გადაკვეთასთან, რაც დადასტურდება განმცხადებლის მიერ, შესაბამისი დოკუმენტის წარმოდგენით.

ამ პროექტით გარკვეული ცელილება შედის ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფრით/საცხოვრისით უზრუნველყოფის პროცედურაში, კერძოდ, აქამდე მოქმედი რედაქციის თანახმად, ყველა იმ პირისათვის ვინც რეგისტრირებული იყო უსახლკაროდ და წარმოადგენდა ერთსულიან ოჯახს, გარდა შემ პირებისა შეეთავაზებოდა თავშესაფარი, ახალი რედაქციით ეს გამონაკლისი უქმდება და ყველა ერთსულიან ოჯახს მიუხედავად შემ სტატუსისა შეეთავაზება თავშესაფარი.

წესში დეტალურად გაიწერა და ჩამოყალიბდა იმ ოჯახის ვალდებულებები, რომლებიც ქალაქ თბილისის მუნიციპალიტეტის მერიის მთავრობის გადაწყვეტილებით დაკმაყოფილდებიან საცხოვრისით, კერძოდ, ისინი ვალდებულნი არიან გააფორმონ შესაბამისი ხელშეკრულება ა(ა)იპ „თბილისის მუნიციპალურ თავშესაფართან“ 2 (ორი) წლის ვადით.

დაზუსტდა და გაიწერა კომისიის მიერ თავშესაფრით უზრუნველყოფის შესახებ რეკომენდაციის მიღების შემთხვევაში, გადაწყვეტილების მიღების პროცედურული საკითხები, კერძოდ, მსგავს შემთხვევაში გადაწყვეტილებას ბრძანების სახით იღებს ქალაქ თბილისის მუნიციპალიტეტის ჯანდაცვისა და სოციალური მომსახურების საქალაქო სამსახურის უფროსი, რომლის საფუძველზეც პირი თავშესაფრით კმაყოფილდება 18 (თვრამეტი) თვის ვადით.

წარმოდგენილი პროექტით დაკონკრეტდა იმ პირის/ოჯახის გადამოწმების წესი. რომლებიც დაკმაყოფილებულნი არიან თავშესაფრით/საცხოვრისით.

აღნიშნული პროექტის შესაბამისად, ასევე მოწესრიგდა ბენეფიციარისათვის საცხოვრისით/თავშესაფრით სარგებლობის უფლების ვადის გაგრძელების შესახებ გადაწყვეტილების მიღების პროცედურა. კერძოდ, კომისია საჭიროებისამებრ (მაგრამ, არაუგვიანეს საცხოვრისით დაკმაყოფილების შესახებ გადაწყვეტილების მიღებიდან 2 (ორი)

წლისა) ამოწმებს, აკმაყოფილებს თუ არა ბენეფიციარი ამ წესის მე-5 მუხლის პირველი პუნქტით გათვალისწინებულ უსახლვაროდ რეგისტრაციის კრიტერიუმებს და გასცემს რეკომენდაციას პირისათვის/ოჯახისათვის ხელშეკრულების 2 (ორი) წლის ვადით გაგრძელების ან არ გაგრძელების შესახებ, რის საფუძველზეც გადაწყვეტილებას იღებს ქალაქ თბილისის მუნიციპალიტეტის მთავრობა. რაც შეეხება თავშესაფრით დაკმაყოფილებული ბენეფიციარების გადამოწმების წესს, წარმოდგენილ პროექტის თანახმად, კომისია საჭიროებისამებრ (მაგრამ, არაუგვიანეს თავშესაფრით დაკმაყოფილების შესახებ გადაწყვეტილების მიღებიდან თვრამეტი თვისა) ამოწმებს, აკმაყოფილებს თუ არა ბენეფიციარი ამ წესის მე-3 მუხლის პირველი პუნქტით გათვალისწინებულ უსახლვარო პირად რეგისტრაციის კრიტერიუმებს და გასცემს რეკომენდაციას ბენეფიციარისათვის თავშესაფარში განთავსების ვადის თვრამეტი თვით გაგრძელების ან ვადის არ გაგრძელების შესახებ, რის საფუძველზეც გადაწყვეტილებას იღებს და გამოსცემს შესაბამის ბრძანებას ა(ა)იპ „თბილისის მუნიციპალური თავშესაფრის“ დირექტორი.

წარმოდგენილი პროექტით ასევე დგინდება, თავშესაფრითა და საცხოვრისით სარგებლობის უფლების შეწყვეტის საფუძვლები. კერძოდ, საცხოვრისით სარგებლობის შეწყვეტის საფუძველი შეიძლება გახდეს ბენეფიციარსა და ა(ა)იპ „თბილისის მუნიციპალურ თავშესაფარს“ შორის დადებული ხელშეკრულების პირობების დარღვევა. ხოლო, ბენეფიციარისათვის თავშესაფრით სარგებლობის შეწყვეტის საფუძველი შეიძლება გახდეს უსახლვარო პირის ხელწერილში გათვალისწინებული თავშესაფრით სარგებლობის პირობების დარღვევა. ასევე იცვლება ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციის შესახებ განაცხადის ფორმა, კერძოდ აქამდე არსებულ ფორმას ავსებდა ოჯახის ყველა წევრი ცალ-ცალკე, აღნიშნული პროექტით წარმოდგენილი ფორმა კი შეივსება ოჯახის ერთი წევრის მიერ და თითოეული წევრი ხელმოწერით დაადასტურებს შევსებული მონაცემების სისწორეს, ისინი ხელმოწერით ასევე დაადასტურებენ, რომ თანახმანი არიან, უსახლვაროდ რეგისტრაციასთან დაკავშირებით „ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციისა და თავშესაფარი ფართით უზრუნველყოფის წესით“ გათვალისწინებული კრიტერიუმების გადამოწმების მიზნით, განხორციელდეს მათი ფინანსური, ქონებრივი და ოჯახური მდგომარეობის, პერსონალური და სხვა მონაცემების პერიოდული გადამოწმება ნებისმიერი კანონიერი წყაროდან. აღნიშნული პროექტის მიღება არ გამოიწვევს დამატებითი ხარჯების გამოყოფას ქალაქ თბილისის მუნიციპალიტეტის 2019 წლის ბიუჯეტიდან.

ჯანმრთელობის დაცვისა და სოციალურ საკითხთა კომისიამ გასცა რეკომენდაცია, რომ წარმოდგენილი პროექტის მე-3 მუხლის პირველი პუნქტის „ა“ ქვეპუნქტისა და მე-5 მუხლის

პირველი პუნქტის „ა” ქვეპუნქტში გარკვევით მიეთითოს 2 წლის განმავლობაში ქალაქ თბილისის მუნიციპალიტეტის ტერიტორიაზე რეგისტრაცია.

სხდომაზე აზრი გამოთქვეს კომისიის წევრებმა ნ.ლაცაბიძემ გ.დოხტურიშვილმა ო.გრიგოლიამ.

დასმულ შეკითხვებს ამომწურავი პასუხები გასცეს ჯანდაცვის და სოციალური მომსახურების საქალაქო სამსახურის წარმომადგენლებმა.

კომისიის თავმჯდომარემ საკითხი დააყენა კენჭისყრაზე:

მომზრე: 6

წინააღმდეგი: 0

თავი შეიკავა: 1

კომისიამ დაადგინა

პროექტი განხილული იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე

გიორგი ბირზიჩაძე